



education

Department:
Education
REPUBLIC OF SOUTH AFRICA

NATIONAL SENIOR CERTIFICATE

IBANGA 12

ISINDEBELE ILIMI LESIBILI LOKUNGEZELELA (SAL)

IPHEPHA LOKUTHOMA (P1)

NOVEMBA 2008

IMEMORANDAMU

IMITLOMELO: 120

Imemorandamu le inamakhasi ali-10.

ISIGABA A: UKUFUNDA NOKUZWISISA**UMBUZO 1**

- 1.1 1.1.1 Kubamba ezumako. (2)
- 1.1.2 Kuhlala phezu kwalo ,ulitjhejisise bewenze bonyana ufumane ibandulo ukuze lithuthuke. (2)
- 1.1.3 Iye, kuqakathekile ngombana lokho kungenza boke abantu bafune ukwenzelwa nguwe izinto ngombana uzokwenza umsebenzi obabazekako.
- Iye, ikghono lakho nalibandulweko lokho kungakwenza ube nelemuko elidluleleko.
- Awa, akukaqakatheki ngombana umsebenzi nawuwaziko uyawazi, awudingi ukubandulwa.
(Nanyana ngiyiphi ipendulo ezwakalako izokwamukeleka) (3)
- 1.1.4 Kukwenza umsebenzakho ngokuzinikela nangokuzimisela./ Ukulikhupha loke ikghono lakho nawenza into/ Ukungatjheji akufuneki, kumele ube mumuntu otjhejako nonesisa. (2)
- 1.1.5 Iye akasithandi isikhuwa: Uthi ukwazi isikhuwa akukuletheli imali. Iye, ukatsu angalala eziko usazi njalo isikhuwa.
Awa, uyasithanda: uyatjho bona isikhuwa senza uthintane nabantu abakhulu nabaziwako.
(Nanyana ngiyiphi ipendulo ezwakalako izokwamukeleka) (3)
- 1.1.6 Iye, bakhona ngokwaneleko. Sinamayunivesithi, ama *Technicon*, *amatechnical centres*, njll. Abandula abafundi/ abantu ngaphasi kwemikhakha eyahlukeneko yamakghono.
- Awa, abantu abanamakghono bancani. Kungakho umbuso uthatha abantu bangaphandle (abanjengabodorhodere nabosonjiniyere, njll.)
(Nanyana ngiyiphi ipendulo ezwakalako izokwamukeleka) (3)
- 1.2 1.2.1 Ukungasadlali nabanye abantwana. Ukuhlala athukile./ uthuswa lilize./ uyathukwa nanyana kudlula ikoloyi./ nanyana kuphapha ipukani ngehla kwakhe. Ukungasaphumeleli kuhle eemfundweni. Ukuba nelaka komntwana. (4)
- 1.2.2 Mumuntu ongakhathaliko nongasesabi amakhuzo. Owenza nanyana yini ekuthi akayenze. Umuntu ongesanandaba nelitho, ongasuthi akasanamizwa, owenza izinto ezithusako kodwana angabi nendaba. (2)
- 1.2.3 Ngokomseme. Ngokomkhumbulo. Ngokomzimba
(Nanyana ngiyiphi ipendulo ezwakalako izokwamukeleka) (2)

- 1.2.4 Azibikwa zoke. Abanye bayesaba ngombana bathuselwa ngeendlela ezinengi. Abanye bayazibika kodwana uthole bangabakholwa/bangabathembi. Lokho kubenze bona bahlukumezeke khulu. (Nanyana ngiyiphi ipendulo ezwakalako izokwamukeleka) (3)
- 1.2.5 Ulungile ngombana uyafundisa ngokuhlukunyezwa kwabentwana. Akakalungi ngombana kunamanye amahlelo afundisa natjengisa zokulalana ezilumelako nezingabakhiko abantwana. (3)
- 1.2.6 08000 10111/10111 nanyana 08000 555 555. (1)

IMITLOMELO YESIGABA A: 30

ISIGABA B: UKURHUNYEZA

UMBUZO 2

Izinga lokuhlongakala kwabantu kade belingafani nelanamhlanje. Kade bekunesizathu esizwakalako esenza bona umuntu ahlolongakale. Namhlanje namalwele ebegade angabulali kade, kwanje sekayabulala. Namhlanje umuntu sekabulawa nangani mkhuhlangi. Lokhu kulitshwayo lokuthi sisizukulwana esibuthakathaka. Kade kwakukhamba abantu abadala, kwakungafani nanamhlanje la kufa wena mntwana nawe muntu omdala. Kade umntwana nakahlongakalako wabe ahlolongakala asese mncani nakhona kubangelwe malwedlana. Imizimba yethu ayisakwazi ukujamelana neenselela zemvelo.

(Umfundi angabeka ngeyakhe indlela)

Kusezingeni eliphezulu: 9-10	Akunamphoso, isirhunyezo siyanemba, ukwazile ukuhlathulula okufuneka esirhunyezweni. Sihleleke besethulwa kuhle. Akhona woke amaphuzu aqakathekileko.
Kuhle khulu/ tle: 8	Akhona pheze woke amaphuzu aqakathekileko kodwana akakabekeki ngendlela efaneleko.
Kuhle: 7	Sifundeka kuhle, besiyanebamba, kunelwazi elingafunekiko. Akhona amaphuzu amanengi aqakathekileko.
Kungaphezu kwalokho okulingeneko: 6	Okungenani uphumelele ukuzuza amaphuzu ama-50%. Nokho angekhe abekwa emkhakheni wabatlole kuhle. Kunelwazi elingathogekiko okungilo elona isirhunyezweni.
Kulingene: 5	Amanye amaphuzu aqakathekileko akhona kodwana kunelwazi elinengi elingathogekiko. Isirhunyezweni asikatloleki ngendlela elindelekileko. Zikhona iimphoso, kodwana umfundi uphumelele ukuveza amaphuzu aqakathekileko.

Kungaphasi kokulingeneko: 4	Nokho ulingile ukurhunyeza. Akukho ukunamathelana kwamaphuzu; utlole amagama amanengi. Isirhunyezo asikatloleki besethulwa ngendlela efaneleko. Utlole wenaba khulu; amaphuzu amanengi aqakathekileko awekho.
Kusezingeni eliphasi: 3	Unelwazi elincani lamakghono wokutlola isirhunyezo. Kuneemphoso ezinengi. Amaphuzu amanengi awavezileko akakhambisani nomtlole onikelweko kodwana likhona iphuzu elilodwa eliqakathekileko.
Imiqondo ebuthakathaka: 2	Ulingile ukutlola isirhunyezo kodwana akabonakali amaphuzu walokho ebe kulindelwe.
Akunamqondo akutlolileko. 0 – 1	Akakazwisisi lokho okufuneka embuzweni. Isirhunyezo sakhe asitjengisi ukuhlakanipha. Ubuyelele watlola ingcenywe yomtlole anikelwe wona.

ISIGABA C: IHLELO NOKUSETJENZISWA KWELIMI

UMBUZO 3

- 3.1 3.1.1 **Bona** butjhile izolo. (1)
- 3.1.2 **Yona** yomnyaka lo iphelile. (1)
- 3.2 UVusimuzi sewuyayithanda inyama ebovu. (2)
- 3.3 **Isikhukhukazi.** (1)
- 3.4 **Ikatjana** yakwakhe ilinyazwe **besanyana** izolo. (2)
- 3.5 3.5.1 linkolo nazivalwako ngizokuya **kwagogo/kugogo.** (1)
- 3.5.2 Watjhiya abentwabakhe **emarubhini.** (1)
- 3.6 Inyathelokazi likaMuzi libiza imalikazi enengi. (1)
- 3.7 USipho uyakuthanda ukukhamba adlala lokha nakathunyiweko. (1)
- 3.8 3.8.1 Utjwala. (1)
- 3.8.2 Kuyahlonitjha / sihlonipho (1)
- 3.9 Ulethe imali yakhe izolo. Uthe nakafikako **wamthola** angekho. Wamlinda ngaphasi komuthi anamakari **ahlaza.** (2)

- 3.10 3.10.1 Indlu **ka**Masango iphelile ukwakhiwa. (1)
- 3.10.2 Ibisi **le**komo angilidli mina. (1)
- 3.11 Uthanda ukuhlala yedwa. (1)
- 3.12 UFuduka **utj**hukisisa irogo lakhe. (2)
- 3.13 UVusumuzi uhlala ekupheleni komuzi. (2)
- 3.14 3.14.1 Ithambo lihlafunywa yinja. (2)
- 3.14.2 Umntwana ubhejulwe nguBafunani. (2)

3.15

	A	B	
3.15.1	linkhonkhwani ezimaqalanga aziwubetheli umuzi.	C. Abantu abakhe maqalanga akusilula kobana bahlanganise iindaba zabo.	
3.15.2	Ithi ingafa ikulu, amaqanda abole.	A. Kungabhubha ihloko yekhaya, abentwana bazenzela umathanda. E. Ikulu nayifileko, kuyonakala.	(2) [30]

(2 x 1)

UMBUZO 4

- 4.1 Amagama la akhulunywa nakunomuntu ohlongakeleko/ obhubhileko. Akhulunywa lokha nakududuzwa labo abahlongakalelweko. (2)
- 4.2 4.2.1 Ukuze adose nomuntu okude/ ukuze umuntu awabone nanyana akude. (2)
- 4.2.2 Ngombana ligama okungasilo nelingakatlolwa ngesiNdebele, ngelokubolekwa. (1)
- 4.2.3 Lokhu kumele ukuthole/ ukubone nasele useduze. Kungaqeda ikareko nakungabonwa kusesenesikhathi/ usesekude. (2)
- 4.3 Iye kunokubandlulula, kubandlululwa abafazi ngombana kuthiwa bona kumele bangezi emngcwabeni lowo. (2)
- 4.4 Mbono kwaphela, akusilo iqiniso. Bakhona abafazi bamakhuwa abakhutheleko kanti kukhona nabantu abanzima abamavila. Ubuvila nokukhuthala akuyi ngombala. (3)
Liqiniso, boke abafazi bamakhuwa abazisebenzeli, baqatjhe iinsebenzi.
- 4.5 4.5.1 Mibuzo engafuni iimpendulo / mibuzo eziphendulako. (2)
- 4.5.2 Ihloso yemibuzo le kukwenza umuntu bona alandele lokho okutjhiwoko/ okukhulunywako. (2)

- 4.6 4.6.1 Basesontweni / bangaphakathi komakhiwo wesonto./ Basekonzweni yomngcwabo./ Basemngcwabeni.
- (a) Amafesidiri womakhiwo ayabonakala
- (b) Kunomfundisi.
- (c) Kunekasi likamufi. (3)
- 4.6.2 Iveza isikhathi sanje. Umhlobo webhoksi lomngcwabo./Indlela abantu abambethe ngayo./ Abomaliledinini. (2)
- 4.6.3 Baphethe abomaliledinini, Bakhuluma ngabomaliledinini. (1)
- 4.6.4 Kufanele bakwenze lokho. /Kungenzeka kunabantu abalahlekileko abeza emngcwabenapho. / Kungenzeka abantu badlulisa imilayezo okutjhiriya. **Nanyana** akukafaneli bakwenze lokho./ Ukukhuluma gomaliledinini esifeni kutjengisa ukuthoga ihlonipho./ Okungenani bekumele baphume bayokukhulumela ngaphandle. (Nanyana ngiyiphi ipendulo ezwakalako izokwamukeleka) (2)
- 4.6.5 Mfundisi. (1)
- 4.7 Umrhatjho, uk**gh**ari, nakang**h**ada, um**th**anyelo, ababhujelweko. (5)
[30]

IMITLOMELO YE SIGABA C: 60

ISIGABA D: ZEMITLOLO**UMBUZO 5****Uzangenzani?: Jiyane DM Kanye Nabanye**

- 5.1 5.1.1 (a) Awa ayithetheleli, isangoma lesi sizenzela nje imali.
(b) Iye.kuya ngokobana abezimu befuna wuphi umbala. (3)
- 5.1.2 NguMpotlogwana, bekabuya esitokfeleni. (2)
- 5.1.3 Wathi ziinkhandela-mbeleko begodu akanamanzi. (2)
- 5.1.4 Wathi unenyongo enengi ithulukele ngendeni. (2)
- 5.1.5 NguNoKitimpana. (1)
[10]
- 5.2 5.2.1 NguMlayedwa. (1)
- 5.2.2 Bahlezi ebandla kwaMaridili. Babuya ejimeni. (2)
- 5.2.3 Ijima.Iye siyanemba ngombana koke okwenzekako, kwenzeka ngemva kokubuya kwamadoda ejimeni. (2)
- 5.2.4 Amabuya bafazi ekhe benda bebatlhala nanyana batlhalwa. (2)
- 5.2.5 (a) Iye iyafundisa. Akukho okufihliweko okungayi kwembulwa. /Inyanga sele yembulwe mamafu kuMlayedwa ngombana sekuvele bonyana uhlaba iimbuzi zabomakhelwani. (Nanyana ngiwuphi umbono ongavezwa bafundi.)
(b) Awa ayifundisi (3)
[10]
- 5.3 5.3.1 NguMatjhiyana. Libulawa botsotsi / ziingebengu. (2)
- 5.3.2 Lihlabe iqhegu linemali. (2)
- 5.3.3 UseMgababa, uyokuphumula abethwe mumoya. (2)
- 5.3.4 Ukukhamba Kubona. (2)
- 5.3.5 (a) Ungayideleli indawo owayivakatjhela kade ngombana indawo iyakhula nabantu bakhona bathome bafunde imikghwa engakalungi. (2)
[10]

5.4	5.4.1	nguBotha.	(1)
	5.4.2	NguJali/USkhosana.	(1)
	5.4.3	Bezifuna ukukhutjhulelwa imali. Bezifuna bonyana kuvulwe amazikwana amanye khona ezinye zazo zizokukhutjhulelwa eenkhundleni eziphezulu.	(2)
	5.4.4	Uthanda isikhundla esingamfaneliko. Unomona/unehliziyo ede ufuna kukhutjhulelwe yena yedwa imali/ uyahleba bekahleba uMotha kuBotha athi uyeba. Akazethembi sewubona kwangathi ezinye iinsebenzi zifuna ukumsusa esikhundleni. (Nanyana ngiliphi iphuzu elizwakalako lizokwemukelwa.)	(4)
	5.4.5	NguMotha, wabhubha.	(2) [10]
5.5	5.5.1	Mntwana wakaNomoya/ wakaTjhejeni Sithole.	(1)
	5.5.2	Oyedwa. Ngethorwanakhe.	(2)
	5.5.3	UZangenzani?	(1)
	5.5.4	Basa umntwana, uSponono ukghanywe mamanzi.	(2)
	5.5.5	Umloyi/akakalungi - ufundisa umntwana ukuthakela indoda./ Umntwana wakaNomoya ukube akakabhubhi thana akusuye umkaMalobola. (Amaphuzu awasekelwe.)	(4) [10]
			(10 + 10) 20

NANYANA

UMBUZO 6**Ayikhulunyelwa Eziko: Jiyane DM, Mahlangu RN**

- | | | | |
|-----|-------|---|--------------------|
| 6.1 | 6.1.1 | Ngaphakathi komgodi beyifuna ukubona bonyana ngubani umuntu oyibuyisela emva kangako. | (2) |
| | 6.1.2 | Amagade bekacimela. | (2) |
| | 6.1.3 | Nayihlatjwahlatjwako. | (1) |
| | 6.1.4 | Ukuvumbuka nokucimela kwamagade. Ayikho indoda engalala ngemseleni iveze isandla. Ayikho inyoni engavuma nengakghuthula amasi. Angekhe yagida inyoni. (1 x 3) | (3) |
| | 6.1.5 | Indoda ihlakaniphile –yakwazi ukubamba inyoni eyabe iyibuyisela emva ngokuthi ingene ngemgodini. Isidlhayela godu ngokunikelela inyoni ngabantwana bonyana bayigade. (Akuvezwe iphuzu elilodwa elisekelweko.) | (2)
[10] |
| 6.2 | 6.2.1 | Belimenywe emnyanyeni ngaphetjheya komlambo. | (2) |
| | 6.2.2 | Indlovu, umqasa, ibhubezi. | (1 x 2) (2) |
| | 6.2.3 | Indlovu nomqasa bamema ibhubezi bonyana lize emnyanyeni lokha umlambo nawuzeleko. | (2) |
| | 6.2.4 | Indlovu iyakhuluma. Umqasa uyakhuluma. Ibhubezi liyakhuluma. | (3) |
| | 6.2.5 | Umqasa nebhubezi. | (1)
[10] |
| 6.3 | 6.3.1 | Ngombana watjela itsikizi iqiniso nakalamulako. | (2) |
| | 6.3.2 | Kuthaba omunye umuntu nakasemrarweni. | (2) |
| | 6.3.3 | Itsikizi, umuhlwa nomuntu. | (1) |
| | 6.3.4 | Ilivila/inekani/inehliziyo embi. Yasongela umuntu bonyana uzakubona. Ayifuni ukukhalinywa, yazonda nayikhalinywako. | (2) |
| | 6.3.5 | Itsikizi iyakhuluma. Umuhlwa uyakhuluma. Umuntu angekhe akhulume netsikizi kanye nomuhlwa. (Nanyana ngiziphi iimpindulo ezimbili ezinembako ezingavezwa bafundi.) | (3)
[10] |

- 6.4 6.4.1 Umsana neembontjisi. (1)
- 6.4.2 Umfazi ukhwela umuthi ayokufika etakeni eliphezulu. Ufunyana umntwanakhe, indoda nomjeka owetjiwako. Azikho iimbontjisi ezimila zibe mimithi. (2)
- 6.4.3 Zisusa isizungu. Ziyafundisa. Zandisa ilwazimagama. (3)
- 6.4.4 Kuhlukana omunye nomunye aye kwabo. (2)
- 6.4.5 Umfazi obukhali, wabetha umsana ngombana athengise ikomo ngeembontjisi ezine. Unamandla ararako begodu wenza nemisebenzi eyenziwa madoda. Wagawula imithi. Waqotjha indoda eyeba umjeka wayo. Akesabi litho wakhwela emthini wayokufika phezulu. (Nanyana ngiyiphi ipendulo enembako.) (2)
[10]
- 6.5 6.5.1 Izandla zakhe zibovana ngaphandle nangaphakathi. (2)
- 6.5.2 Wezwa ngelizwi elirhorozako. (2)
- 6.5.3 Alikho ilitje elizwako bese livula umnyango. Ayikho ipisi engavuma. (2)
- 6.5.4 UDimana noDimakazana. (1)
- 6.5.5 Iye akalaleli. Umnakwabo uDimana wamtjela bonyana angavuleli umuntu. Yena wamvulela. / Uyalalela. Ipsi yaginya iintjhisu iphimbo layo lafana nelikaDimana. (3)
[10]

IMITLOMELO YESIGABA D: 20

INANI LOKE: 120